



Zbog trgovine ljudima i ostalih krivičnih dj

**Dragan SLADOJEVIĆ,
Armin MUJČIĆ**

ZENICA - Ukupno 15 osoba, od čega u BiH sedam, a u Francuskoj osam, uhapšeno je juče u zajedničkoj akciji Državne agencije za istrage i zaštitu (SIPA) i francuske policije, čime je razbijena organizovana kriminalna grupa koja je žene i djecu iz BiH prebacivala u Francusku, gdje ih je na svirep način primoravala na džepne krađe.

"Procjenjuje se da su osuđeni svojim nezakonitim aktivnostima stekli protivpravnu imovinsku korist veću od dva miliona evra, a novac su kupovinom nekretnina u BiH i vozila ubacivali u legalne novčane tokove ili trošili na luksuzan život", navodi Kristina Jozić, portparol SIPA.

Tokom te međunarodne akcije, kodnog naziva CD, koja je u obje države počela na dogovoreni znak, tačno u šest časova, pretrase su objekti i vozila na devet lokacija u Zenici, Vlasenici, Prijedoru i Jajcu, a istovremeno su u Francuskoj hapsili i policajci te države.

Ovdje su uhapšeni Elvis Salčinović (39), koji se ranije prezivao Hamidović, zatim Toni Hamidović (24), te D.H., L.H., Nedeljko Dakić iz Prijedora, B.T. i E.H. Osim za trgovinu i krijumčarenje ljudi, terete ih i za radnu eksploataciju, krađe i prosjačenje, pranje novca, krivotvorenje isprava, zloupotrebu droga...

Sumnja se da su od 2012. godine vrbovali više žena iz BiH, s kojima su stupali u vanbračne zajednice i organizovali njihove odlaske u Francusku. Tamo su ih ucjenjivali, prijetili im, zastrašivali ih i zlostavljali, odnosno prisiljavali da džepare i čine druge oblike uličnog kriminala u više gradova, a potom im predaju novac koji pribave na taj način.

Žrtve, među kojima ima i djece, bile su pod stalnom kontrolom, izložene svakodnevnom maltretiranju, kako bi ukrade što više novca. U Francuskoj je već juče zbrinuto više potencijalnih



Žene i dje tjerani da ZGRNULI MILIONE!

Žrtve ucjenjivali, prijetili im, zastrašivali ih i zlostavljali, i tako prisiljavali da džepare i čine druge oblike uličnog kriminala

žrtava trgovine ljudima iz BiH, a i u Zenici je zatečen veći broj djece, čiji identitet zasad nije poznat, kao ni staratelja, te će oni biti zbrinuti kao potencijalne žrtve trgovine ljudima.

Od kada su se 2010. godine pojavili u Zenici, Salčinović i njegovi kompanjoni svako malo su bili u centru pažnje.

Desetak puta su hapšeni zbog narkotika, prosjačenja i trgovine ljudima i slično, i svaki put puštani su na slobodu. U međuvremenu, njihovo bogatstvo je bivalo sve veće.

Kuća u Goraždanskoj ulici, u kojoj su juče uhapšeni, prva je nekretnina koju su Salčinović i ekipa kupili. Vjeruje

Page: 11

Reach: 0

Country: BOSNIA AND HERZEGOVINA

Size: 389 cm2

2 / 2

ela u BiH i Francuskoj uhapšeno 15 osoba



SIPA privodi
osumnjicene
FOTO NN

ecu džepare,

NA
PREDMETU
RADILO 20
ISTRAŽILACA

Nije bilo otpora
tokom akcije
FOTO A. MUJIĆ



se da ova grupa, čiji je vođa u Zenici poznat po videu na YouTubeu pod nazivom "Samo za dušmani", ima minimalno deset stanova i više poslovnih prostora u Zenici i okolini.

U zeničkom naselju Lukovo Polje, u kojem su jučer uhapšeni Salčinović, Hamidović, te još jedna osoba, kažu da nije

bilo otpora tokom akcije.

"Godinama smo navikli na buku iz te kuće, u kojoj se u jednom času nade 40 - 50 lica, među kojima je veliki broj djece i žena. Kada se okupe, govore raznim jezicima, ponašaju se bahato, voze skupocjene automobile, dovode muziku, pucaju.... Međutim, prema komšijama su

bili korektni", priča nam jedan stanovnik zeničkog naselja Lukovo Polje.

Jučerašnjoj akciji u Goraždanskoj ulici prisustvovali su i francuski istražitelji koji nisu željeli davati izjave. Upravo iz Pariza je početkom 2013. godine krenula akcija razbijanja "klana malih kradljivica".



**VJERUJE SE DA
OVA GRUPA
IMA MINIMALNO
DESET STANOVA**

Naime, na Prekršajnom sudu u Parizu te godine krenulo je suđenje Fehimu Hamidoviću, Romu bh. porijekla, koji je terećen da je djevojčice i djevojke sa prostora bivše Jugoslavije prisiljavao na krađu po metrou u Parizu, ali i drugim europskim gradovima.

I svjedoci jučerašnje akcije u Zenici kazali su nam kako je "ovaj dan morao doći".

"Godinama se ovdje smjeњуju žene i djeca. Teško je kazati koliki je to broj, ali budu ovdje nekoliko dana i nikada se više ne vraćaju. Uvijek smo sumnjali da završavaju negdje na Zapadu", kazao nam je jedan mještaniin na Lukovom Polju.

Iz SIPA kažu da su u ovu aktivnost bili uključeni i predstavnici Tužilaštva BiH i Tužilaštva Francuske, te istražitelji SIPA i Odjela za maloljetnike Policijske prefektуре Pariz. Boris Grubešić, portparol Tužilaštva BiH, kazao je da se radi o velikoj međunarodnoj akciji.

"Na ovom predmetu radio je zajednički istražni tim iz BiH i Francuske, sastavljen od oko 20 osoba, iz policijskih i tužiteljskih institucija BiH i Francuske, koji su više mjeseci provodili zajedničke istražne radnje na području dvaju država radi otkrivanja vrlo složenih i društveno opasnih oblika kriminala", kaže Grubešić.